



**Broj: 02-50-1-16-29/09
Sarajevo, 20. 5. 2009.**

**ZAPISNIK
29. sjednice Doma naroda
Parlamentarne skupštine Bosne i Hercegovine,
održane 20. 5. 2009. godine**

Sjednica je počela u 11, 05 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Na sjednici je bilo 14 delegata.

Delegat Božo Rajić opravdao je odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Nakon rasprave u kojoj su učestvovali Hazim Rančić i Ivo Miro Jović, Dom naroda usvojio je sljedeći izmijenjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 28. sjednice Doma naroda;
3. Izvještaj o radu i poslovanju Radio-televizije Bosne i Hercegovine u 2007. godinu;
4. Izvještaj o finansijskom poslovanju Radio-televizije Bosne i Hercegovine u 2007. godinu;
5. Izvještaj Zajedničke komisije za usaglašavanje teksta o Prijedlogu zakona o izmjenama i dopunama Zakona o državnoj službi u institucijama Bosne i Hercegovine;
6. Izvještaj Zajedničke komisije za usaglašavanje teksta Prijedloga zakona o Agenciji za pružanje usluga u zračnoj plovidbi;
7. Izvještaj komisije Kolegija o nastojanju za postizanje saglasnosti o Prijedlogu zakona o kontroli kretanja oružja i vojne opreme;
8. Izvještaj komisije Kolegija o nastojanju za postizanje saglasnosti o Zaključku koji je predložila delegat Dušanka Majkić a u vezi s Informacijom o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima, u 2006. i 2007. godini i prvih devet mjeseci 2008. godine;
9. Izvještaj komisije Kolegija o nastojanju za postizanje saglasnosti o Prijedlogu zakona o dopuni Zakona o službenom glasilu BiH (prvo čitanje);
10. Zahtjev Kolegija Doma naroda za razmatranje Prijedloga zakona o dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 122. Poslovnika Doma naroda, predlagači delegati: Ilija Filipović, Sulejman Tihiić i Dušanka Majkić;
11. Zahtjev Vijeća ministara BiH za razmatranje Prijedloga zakona o akcizama BiH po skraćenom postupku, u skladu s članom 121. Poslovnika Doma naroda;

12. Prijedlog zakona o izmjenama i dopunama Zakona o Agenciji za rad i zapošljavanje BiH (drugo čitanje), predlagač: Vijeće ministara BiH;
13. Prijedlog zakona o izmjenama i dopunama Zakona o finansiranju institucija BiH (drugo čitanje) predlagač: Vijeće ministara BiH;
14. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje (drugo čitanje), predlagač: Vijeće ministara BiH;
15. Prijedlog zakona o izmjenama i dopunama Zakona o državljanstvu (drugo čitanje), predlagač: Vijeće ministara BiH;
16. Prijedlog zakona o fiskalnim kasama (prvo čitanje), predlagač: Predstavnički dom;
17. Prijedlog zakona o izmjenama i dopunama Zakona o službi u Oružanim snagama BiH (prvo čitanje) predlagač: Vijeće ministara BiH;
18. Prijedlog zakona o parlamentarnom vojnom povjereniku Bosne i Hercegovine (prvo čitanje), predlagači: delegati Branko Zrno i Slobodan Šaraba;
19. Prijedlog zakona o postupku zaključivanja i izvršavanja međunarodnih ugovora (prvo čitanje), predlagač: Vijeće ministara BiH;
20. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (prvo čitanje) predlagač: Vijeće ministara BiH;
21. Godišnji izvještaj Centralne banke BiH za 2008. godinu;
22. Finansijski izvještaj Centralne banke BiH za 2008.;
23. Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008. do 16.2.2009., s prijedlogom zaključka;
24. Izvještaj o radu i Finansijski izvještaj Agencije za poštanski saobraćaj BiH za 2008. godinu;
25. Izvještaj o radu Upravnog odbora Izvozno-kreditne agencije BiH za 2008. godinu;
26. Izvještaj o radu Ureda za razmatranje žalbi za 2008. godinu;
27. Izvještaj o radu Pravobranilaštva BiH za period od 1.1.2008. do 31.12.2008.;
28. Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i filijala u BiH;
29. Prijedlog odluke o imenovanju stalne delegacije Parlamentarne skupštine BiH u Parlamentarnu skupštinu Mediterana;
30. Davanje saglasnosti za ratifikaciju Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu;
31. Davanje saglasnosti za ratifikaciju Prvog amandmana na Kreditni sporazum potpisan 25. jula 2002. godine između Bosne i Hercegovine, koju zastupa Ministarstva finansija i trezora BiH, i Kraljevine Španije, koju zastupa Ured kreditnog instituta – finansiranje sistema vodosnabdijevanja u općini Olovo;
32. Davanje saglasnosti za ratifikaciju Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave;
33. Davanje saglasnosti za ratifikaciju Protokola protiv nezakonite proizvodnje i trgovine vatrenim oružjem, njegovim dijelovima, komponentama i municijom, kojim se dopunjava Konvencija Ujedinjenih naroda protiv transnacionalnog organiziranog kriminala.

Ad. 1. Odgovori na delegatska pitanja i delegatska pitanja

Odgovore na delegatska pitanja dobili su: Mladen Ivanić - na pitanje postavljeno na 25. sjednici, Ivo Miro Jović - odgovor na pitanje koje je obnovio na 28. sjednici u ime Kluba hrvatskoga naroda i Adem Ibrahimpašić - na pitanje postavljeno na 25. sjednici.

Delegat Mladen Ivanić izjasnio se nezadovoljnim dobivenim odgovorom na pitanje postavljeno na 25. sjednici.

Delegat Ivo Miro Jović izjasnio je da je nezadovoljan dobivenim odgovorom
Delegat Adem Ibrahimpašić također nije bio zadovoljan dobivenim odgovorom.

Delegat Adem Ibrahimpašić postavio je sljedeće pitanje Agenciji za sigurnost hrane BiH:

„Kako se zovu poimenično članovi upravnog odbora Agencije za sigurnost hrane BiH i da li su za period između 29.5.2008. i 20.5.2009. primali naknadu za rad u Upravnom odboru pomenute agencije.

Zašto ministar ne imenuje nove članove upravnog odbora te agencije budući da postojeći očito neće da rade svoj posao?“

Delegat Slobodan Šaraba postavio je sljedeća pitanja Vijeću ministara BiH i Zajedničkom kolegiju oba doma PSBiH:

Zajednički kolegij oba doma PSBiH

1. Da li i šta namjerava preduzeti Zajednički kolegij povodom zaključka koji je usvojen na sjednici Zajedničke komisije 24.4.2009.?

Obrazloženje

Već dvije godine pokušavam da nametnem rješenje jednog značajnog životnog pitanja kako bi se omogućilo da patnje koje trpe građani ove zemlje svih nacionalnosti prestanu - a riječ je o 150 ljudi kojima su Odlukom visokog predstavnika ukinuta osnovna ljudska i građanska prava i koji su smijenjeni.

Zajednička komisija za ljudska prava donijela je jedan zaključak, 5.2.2009., pa je moralo proteći više od dva i po mjeseca da se napiše jedan zaključak koji ima samo dvije rečenice. I na kraju sam dobio jedan papir koji mi ipak puno znači jer je odškrinuo vrata za rješavanje ovog pitanja prije nego što se izvrši transformacija OHR-a.

Vijeće ministara BiH

2. Kada će Vijeće ministara BiH pokrenuti radove na rekonstrukciji graničnog prijelaza Ivanjica?

Vijeće ministara BiH

3. Kada će Vijeće ministara BiH pokrenuti rješavanje problema koji imaju hidroelektrane na Trebišnjici s Elektroprivredom Hrvatske o naplati oko 200 miliona KM koje duguje Hrvatska po osnovu više preuzete električne energije?

Delegat Branko Zrno postavio je sljedeća pitanja Vijeću ministara BiH, Ministarstvu vanjskih poslova BiH i Ministarstvu odbrane BiH.

1. Da li će proces štampanja biometrijskih pasoša zaista početi 1. jula, kako je obećano Evropskoj komisiji, što je osnovni uslov za novi vizni režim za građane Bosne i Hercegovine? Pitanje postavljam zbog opravdanih sumnji u sveobuhvatnost pripremljenih postupaka za ovaj posao. Biometrijski pasoši su osnovni uslov za uspostavljanje liberaliziranog viznog režima za Bosnu i Hercegovinu.

2. Kada će biti imenovan vojni ataše pri Ambasadi BiH u Berlinu? Nedopustivo je da tu obavezu još nismo ispunili te smo i dalje jedina zemlja koja ima ambasadu u Berlinu a nema popunjeno mjesto vojnog atašea.

Delegat Zoran Koprivica postavio je sljedeća pitanja Vijeću ministara BiH i Ministarstvu pravde BiH:

1. „Kada će se na dnevnom redu Vijeća ministara BiH naći nacrt Zakona o fondu za pravičnu nadoknadu uništene imovine u ratu u BiH?
2. Da li je tačan podatak da u Bosni i Hercegovini preko tri hiljade osuđenih na kaznu zatvora čeka na izdržavanje kazne na slobodi, zbog nedostatka smještajnih zatvorskih kapaciteta, te šta Ministarstvo pravde BiH preduzima na rješavanju ovog problema.“

Ad. 2. Usvajanje Zapisnika 28. sjednice Doma naroda

Predsjedavajući Doma naroda otvorio je raspravu o ovoj tački dnevnoga reda U raspravi su učestvovali Hazim Rančić i Slobodan Šaraba.

Dom naroda je, s 13 glasova „za“ i jednim „suzdržanim“ glasom, usvojio Zapisnik 28. sjednice Doma naroda.

Ad-3. Izvještaj o radu i poslovanju Radio-televizije Bosne i Hercegovine u 2007. godinu;

Predsjedavajući Doma naroda otvorio je raspravu o ovoj tački dnevnoga reda. U raspravi su učestvovali: Alma Čolo, Dušanka Majkić, Predsjedavajući Upravnog odbora BHRT-a Nikola Deretić, Rudo Vidović, Mladen Ivanić, Adem Ibrahimpašić, Branko Zrno, Ivo Miro Jović, Ilija Filipović, Hazim Rančić i Drago Ljubičić.

Dom naroda primio je k znanju Izvještaj o radu i poslovanju Radio-televizije Bosne i Hercegovine u 2007. godinu i s 12 glasova "za" , jednim glasom "protiv" i jednim "suzdržanim" glasom usvojio je sljedeće zaključke:

1. Dom naroda Parlamentarne skupštine BiH zahtijeva od Upravnog odbora Radio-televizije BiH da u svom radu dosljedno poštuje odredbe Zakona o Javnom radio-televizijskom sistemu BiH i Zakona o javnom radio-televizijskom servisu BiH kao osnovnih zakonskih dokumenata čijim je donošenjem Parlamentarna skupština BiH stvorila okvir za zakonsko djelovanje unutar Javnog radio-televizijskog sistema i Javnog radio-televizijskog servisa BiH.
2. Dom naroda Parlamentarne skupštine BiH traži od Vijeća ministara BiH da osnuje radnu grupu u kojoj bi bili eksperti iz oblasti javnog emitiranja sa zadatkom da procijene usklađenost Zakona o Javnom radio-televizijskom sistemu BiH i Zakona o Javnom radio-televizijskom servisu BiH sa Ustavom BiH i evropskim standardima iz ove oblasti, te da na osnovu toga bude sačinjen prijedlog za eventualne izmjene i dopune ovih zakona.

Ad.4. Izvještaj o finansijskom poslovanju Radio-televizije Bosne i Hercegovine u 2007. godini

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Dušanka Majkić, predsjedavajući Upravnog odbora BHRT-a Nikola Deretić, Rudo Vidović, Mladen Ivanić, Adem Ibrahimpašić, Branko Zrno, Ivo Miro Jović, Ilija Filipović, Hazim Rančić i Drago Ljubičić.

Dom naroda primio je k znanju Izvještaj o finansijskom poslovanju Radio-televizije Bosne i Hercegovine u 2007. godini i sa 13 glasova „za“ i jednim „suzdržanim glasom usvojio sljedeće zaključke:

1. Dom naroda nalaže Upravnom odboru BHRT-a da, uvažavajući preporuke revizije iz ranijih godina, angažira konsultantsku kuću koja će utvrditi stvarno finansijsko stanje, procijeniti imovinu BHRT-a, te sačiniti prijedlog mjera za izlazak iz postojeće situacije.
2. Dom naroda smatra da Izvještaj o reviziji poslovanja Javnog radio-televizijskog servisa BiH (BHRT) za 2007. godinu treba uputiti Tužilaštvu BiH.
3. Dom naroda obavezuje Konkurencijsko vijeće BiH da preduzme mjere za sprečavanje monopola na marketinškom tržištu javnih servisa u Bosni i Hercegovini.

Ad.5. Izvještaj Zajedničke komisije za usaglašavanje teksta Prijedloga zakona o izmjenama i dopunama Zakona o državnoj službi u institucijama BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Budući da je Zajednička komisija za usaglašavanje teksta Prijedloga zakona o izmjenama i dopunama Zakona o državnoj službi u institucijama BiH dostavila Kolegiju Izvještaj u kojem je konstatirano **da ne postoji predmet usaglašavanja**, Dom naroda konstatirao je da je Zakon o izmjenama i dopunama Zakona o državnoj službi u institucijama BiH **usvojen** u Domu naroda na 28. sjednici, održanoj 27.4.2009.

Ad.6. Izvještaj Zajedničke komisije za usaglašavanje teksta Prijedloga zakona o Agenciji za pružanje usluga u zračnoj plovidbi

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Rudo Vidović.

Dom naroda je, s 13 glasova „za“ i jednim glasom „protiv“, usvojio Izvještaj Zajedničke komisije za usaglašavanje teksta Zakona o Agenciji za pružanje usluga u zračnoj plovidbi, pa je samim tim Zakon **usvojen**.

Ad.7. Izvještaj komisije Kolegija o nastojanju za postizanje saglasnosti o Prijedlogu zakona o kontroli kretanja oružja i vojne opreme

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Budući da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti), nakon čega je u drugom krugu glasanja, s osam glasova „za“ iz Federacije BiH i pet glasova „protiv“ iz Republike Srpske, Prijedlog zakona o kontroli kretanja oružja i vojne opreme **odbijen**.

Ad. 8. Izvještaj komisije Kolegija o nastojanju za postizanje saglasnosti o Zaključku koji je predložila delegat Dušanka Majkić a u vezi s Informacijom o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima, u 2006. i 2007. godini i prvih devet mjeseci 2008. godine

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“, četiri glasa „protiv“, **usvojio** sljedeći zaključak koji je predložila delegat Dušanka Majkić a u vezi s Informacijom o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima, u 2006. i 2007. godini i prvih devet mjeseci 2008. godine a koji glasi:

Dom naroda prima k znanju Informaciju o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima u 2006. i 2007. godini i prvih devet mjeseci 2008. godine, te konstatira da je informacija urađena površno i nekonzistentno i obavezuje Ministarstvo sigurnosti BiH da dostavi novu potpuniju informaciju za 2008. godinu.

Ad. 9. Izvještaj komisije Kolegija o nastojanju za postizanje saglasnosti o Prijedlogu zakona o dopuni Zakona o službenom glasilu BiH (prvo čitanje)

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Budući da u prvom krugu glasanja nije bilo entitetske većine, obavljeno je usaglašavanje u Kolegiju Doma kao komisiji (nije bilo saglasnosti), nakon čega je u drugom krugu glasanja, s osam glasova „za“, četiri glasa „protiv“ iz Republike Srpske i jednim „suzdržanim“ glasom, Prijedlog zakona o dopuni Zakona o službenom glasilu BiH **odbijen**.

Ad. 10. Zahtjev Kolegija Doma naroda za razmatranje Prijedloga zakona o dopuni Zakona o osnovama sigurnosti saobraćaja na putevima u BiH po hitnom postupku, u skladu s članom 122. Poslovnika Doma naroda, predlagači delegati: Ilija Filipović, Sulejman Tihic i Dušanka Majkić

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 11 glasova „za“ i jednim glasom „protiv“, usvojio zahtjev za razmatranje Prijedloga zakona o dopuni Zakona o osnovama sigurnosti saobraćaja na putevima u BiH, čiji su predlagači delegati: Ilija Filipović, Sulejman Tihic i Dušanka Majkić, po hitnom postupku, nakon čega je, s 11 glasova „za“ i jednim glasom „protiv“, Zakon **usvojen**.

Ad. 11. Zahtjev Vijeća ministara BiH za razmatranje Prijedloga zakona o akcizama BiH po skraćenom postupku, u skladu s članom 121. Poslovnika Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 11 glasova „za“ i jednim glasom „protiv“, **usvojio** zahtjev za razmatranje Prijedloga zakona o akcizama BiH po skraćenom postupku.

Ad. 12. Prijedlog zakona o izmjenama i dopunama Zakona o Agenciji za rad i zapošljavanje BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 11 glasova „za“ i jednim glasom „protiv“, **usvojio** Zakon o izmjenama i dopunama Zakona o Agenciji za rad i zapošljavanje BiH u identičnom tekstu kao i Predstavnički dom.

Ad.13. Prijedlog zakona o izmjenama i dopunama Zakona o finansiranju institucija BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zakon o izmjenama i dopunama Zakona o finansiranju institucija BiH **sa sljedećim** amandmamom:

Amandman I.

U članu 14. (koji se odnosi na član 22. osnovnog teksta Zakona) u stavu (2) na kraju umjesto tačke stavlja se zarez i dodaje tekst koji glasi:

„a iza treće rečenice dodaje se nova rečenica koja glasi: Polugodišnji izvještaj koji Ministarstvo finansija i trezora BiH podnosi Parlamentarnoj skupštini BiH mora sadržavati obavještenje o donesenim odlukama o prestrukturiranju rashoda u okviru ukupnog iznosa odobrenog u budžetu za pojedinog budžetskog korisnika.“

Dosadašnja četvrta rečenica postaje peta rečenica.

U istom članu dodaje se stav (4) koji glasi:

„U članu 22. iza stava (8) dodaje se stav (9) koji glasi:

„(9) Vijeće ministara BiH dužno je tromjesečno izvještavati Parlamentarnu skupštinu BiH o upotrebi budžetske rezerve.“

Budući da je Prijedlog zakona **usvojen u različitom tekstu** od teksta koji je usvojio Predstavnički dom, Dom naroda jednoglasno imenovao je sljedeće delegate za **članove Zajedničke komisije za usaglašavanje teksta Zakona:**

- Adema Ibrahimpašića
- Dragu Ljubičića
- Božu Rajića

Ad.14. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s 10 glasova „za“ i dva glasa „protiv“, **usvojio** Okvirni zakon o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje u identičnom tekstu kao i Predstavnički dom.

Ad. 15. Prijedlog zakona o izmjenama i dopunama Zakona o državljanstvu (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Zakon o izmjenama i dopunama Zakona o državljanstvu BiH u identičnom tekstu kao i Predstavnički dom.

Ad.16. Prijedlog zakona o fiskalnim kasama (prvo čitanje), predlagač: Predstavnički dom

Predsjedavajući Doma naroda otvorio je raspravu o ovoj tački dnevnoga reda. U raspravi su učestvovali: Dušanka Majkić, Mladen Ivanić, Zoran Koprivica, Adem Ibrahimpašić i Alma Čolo.

Dom naroda je, s 10 glasova „za“ i tri glasa „protiv“, **usvojio** u prvom čitanju Prijedlog zakona o fiskalnim kasama.

Ad. 17. Prijedlog zakona o izmjenama i dopunama Zakona o službi u Oružanim snagama BiH (prvo čitanje) , predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda je, s 12 glasova „za“ i jednim glasom „protiv“, **usvojio** u prvom čitanju Prijedlog zakona o izmjenama i dopunama Zakona o službi u Oružanim snagama BiH.

Ad. 18. Prijedlog zakona o parlamentarnom vojnom povjereniku Bosne i Hercegovine (prvo čitanje), predlagači: delegati Branko Zrno i Slobodan Šaraba

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Branko Zrno, Slobodan Šaraba, Alma Čolo, Hilmo Neimarlija, Hazim Rančić i Ivo Miro Jović.

Dom naroda je, s devet glasova „za“, tri glasa „protiv“ i jednim „suzdržanim“ glasom, **usvojio** u prvom čitanju Prijedlog zakona o parlamentarnom vojnom povjereniku Bosne i Hercegovine čiji su predlagači: delegati Branko Zrno i Slobodan Šaraba.

Ad. 19. Prijedlog zakona o postupku zaključivanja i izvršavanja međunarodnih ugovora (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Mladen Ivanić, Dušanka Majkić i Slobodan Šaraba.

Dom naroda jednoglasno je **usvojio** u prvom čitanju Prijedlog zakona o postupku zaključivanja i izvršavanja međunarodnih ugovora sa sljedećim zaključkom:

“S obzirom da Predstavnički dom Parlamentarne skupštine BiH još nije završio proceduru usvajanja Prijedloga zakona o postupku zaključivanja i izvršavanja međunarodnih ugovora, produžava se amandmanska faza za ovaj prijedlog zakona do 48 sati prije održavanja sjednice Komisije na kojoj će biti razmatran”.

Ad. 20. Prijedlog zakona o kontroli vanjskotrgovinskog prometa roba i usluga od strateške važnosti za sigurnost BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** u prvom čitanju Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH.

Ad.21. Godišnji izvještaj Centralne banke BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Godišnji izvještaj Centralne banke BiH za 2008. godinu.

Ad. 22. Dom naroda usvojio je Finansijski izvještaj Centralne banke BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Finansijski izvještaj Centralne banke BiH za 2008. godinu.

Ad. 23. Izvještaj o radu Državne komisije za reviziju odluka o naturalizaciji stranih državljana u BiH za period od 1.1.2008. do 16.2.2009., s prijedlogom zaključka

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Drago Ljubučić, Alma Čolo, Ivo Miro Jović i Zoran Koprivica.

Dom naroda jednoglasno je **usvojio** Izvještaj o radu Državne komisije za reviziju odluka o naturalizaciji stranih državljana u BiH za period od 1. 1. 2008. do 16. 2. 2009., sa sljedećim zaključkom:

1. Prihvata se Izvještaj o radu Državne komisije za reviziju odluka o naturalizaciji stranih državljana u Bosni i Hercegovini za period od 1. 1. 2008. do 16. 2. 2009.
2. Zadužuje se Vijeće ministara BiH da ispoštuje zaključke Parlamentarne skupštine BiH donesene na odvojenim sjednicama Predstavničkog doma i Doma naroda od 13.2.2008. i 25. 2. 2008. i zaključke usvojene po Izvještaju za period 1.1.2008. do 30.6.2008.
3. Državna komisija za reviziju odluka o naturalizaciji stranih državljana u Bosni i Hercegovini nastaviti će rad dok Ministarstvo civilnih poslova BiH ne preuzme ove poslove u skladu sa Zakonom o izmjenama i dopunama Zakona o državljanstvu BiH, koji se nalazi u parlamentarnoj proceduri.
4. Predmeti spisa po kojima je završen postupak revizije bit će vraćen prvostupenim organima od kojih su izuzeti.
5. Izvještaj u formi informacije dostaviti svim resornim ministarstvima koja su vodila prvostupeni postupak i donosila odluke o dodjeli državljanstva Bosne i Hercegovine, kao i nadležnim pravosudnim organima radi nadležnog postupanja.

Ad. 24. Izvještaj o radu i Finansijski Izvještaj Agencije za poštanski saobraćaj BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Izvještaj o radu i Finansijski izvještaj Agencije za poštanski saobraćaj BiH za 2008. godinu.

Ad. 25. Izvještaj o radu Upravnog odbora Izvozno-kreditne agencije BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je **usvojio** Izvještaj o radu Upravnog odbora Izvozno-kreditne agencije BiH za 2008. godinu.

Ad. 26. Izvještaj o radu Ureda za razmatranje žalbi za 2008.godinu

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Alma Čolo i Mladen Ivanić.

Dom naroda jednoglasno je **usvojio** Izvještaj o radu Ureda za razmatranje žalbi za 2008.godinu bez Prijedloga zaključaka koje je predložio Ured za razmatranje žalbi a koji su sastavni dio Izvještaja.

Dom naroda jednoglasno je usvojio sljedeći zaključak:

„Zadužuje se predsjedavajuća Komisije za finansije i budžet Doma naroda Parlamentarne skupštine BiH da razgovara s predsjedavajućim Vijeća ministara BiH o rješavanju problema u radu Ureda za razmatranje žalbi BiH“.

Ad. 27. Izvještaj o radu Pravobranilaštva BiH za period od 1.1.2008. do 31.12.2008.

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Hazim Rančić, Mladen Ivanić, Adem Ibrahimpašić, Alma Čolo, Dušanka Majkić, Hilmo Neimarlija i predstavnica Pravobranilaštva BiH Dragica Miletić.

Dom naroda jednoglasno je **usvojio** Izvještaj o radu Pravobranilaštva BiH za period od 1.1.2008. do 31.12.2008.

Ad. 28. Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i filijala u BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Dušanka Majkić i Hazim Rančić.

Dom naroda je, s 11 glasova „za“ i jednim glasom „protiv“, **usvojio** Izvještaj Privremene zajedničke komisije za utvrđivanje stare devizne štednje građana BiH položene na račune domicilnih banaka i filijala u BiH.

Dom naroda je, također s 10 glasova „za“, jednim „protiv“ i jednim „suzdržanim“ glasom, **usvojio** zaključke predložene u Izvještaju sa Ispravkom koju je Komisija naknadno dostavila:

1. Imajući u vidu da je veliki broj štediša u ratnom periodu ostao bez štednih knjižica, Parlamentarna skupština BiH nalaže svim institucijama koje raspolažu podacima o staroj deviznoj štednji da izdaju duplikate štednih knjižica ili druge pisane dokaze njihovim vlasnicima, uključno s vrstom i iznosom deviznih sredstava.
Sve institucije u Bosni i Hercegovini koje raspolažu podacima o staroj deviznoj štednji dužne su ih na zahtjev vlasnika stare devizne štednje i njihovih nasljednika staviti na raspolaganje.
Parlamentarna skupština BiH nalaže svim institucijama u BiH koje su se bavile poslovima stare devizne štednje da, u saradnji s entitetskim ministarstvima finansija, Direkcijom za finansije Brčko Distrikta BiH, poslovnim bankama i komisijama, odmah pristupe spravnjenju stanja na računima stare devizne štednje s vlasnicima ili njihovim nasljednicima.
Štedišama koje nisu zadovoljne utvrđenim iznosom njihove stare devizne štednje na ovaj način potrebno je ostaviti mogućnost dokazivanja sudskim putem stvarnog iznosa njihove stare devizne štednje.
2. Parlamentarna skupština BiH poziva sve nadležne institucije BiH da, u skladu s važećim zakonom i presudom Ustavnog suda BiH, izvrše emisiju vrijednosnih papira radi sprečavanja daljnje diskriminacije građana Bosne i Hercegovine po toj osnovi.

3. Imajući u vidu predložene zaključke te stavove udruženja štediša, Privremena zajednička komisija predlaže Parlamentarnoj skupštini BiH da osnuje radnu grupu koja će izraditi i Parlamentarnoj skupštini BiH dostaviti prijedlog zakona o izmjenama i dopunama Zakona o izmirenju obaveza po osnovu računa stare devizne štednje.
4. Parlamentarna skupština BiH zahtijeva od nadležnih institucija da istraže ko je, kada i kako potrošio staru deviznu štednju.
5. Parlamentarna skupština BiH obavezuje Vijeće ministara BiH da, u skladu sa Zakonom, preduzme mjere radi rješavanja pitanja stare devizne štednje u Ljubljanskoj banci i Investbanci Beograd, te da je obavijesti o preduzetim bilateralnim aktivnostima na rješavanju ovog pitanja.

Ad. 29. Prijedlog odluke o imenovanju stalne delegacije Parlamentarne skupštine BiH u Parlamentarnu skupštinu Mediterana

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu.

Dom naroda je, s 12 glasova „za“ i jednim „suzdržanim“ glasom, imenovao Dušanku Majkić, Mehmeda Suljkanovića i Niku Lozančića za članove stalne delegacije Parlamentarne skupštine BiH u Parlamentarnoj skupštini Mediterana.

Ad. od 30. do 33. Davanje saglasnosti za ratifikaciju međunarodnih ugovora i sporazuma

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu.

Dom naroda jednoglasno je dao saglasnost za ratifikaciju:

- Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu;
- Prvog amandmana na Kreditni sporazum potpisan 25. jula 2002. godine između Bosne i Hercegovine, koju zastupa Ministarstva finansija i trezora BiH, i Kraljevine Španije, koju zastupa Ured kreditnog instituta – finansiranje sistema vodosnabdijevanja u općini Olovo;
- Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave;
- Protokola protiv nezakonite proizvodnje i trgovine vatrenim oružjem, njegovim dijelovima, komponentama i municijom, kojim se dopunjava Konvencija Ujedinjenih naroda protiv transnacionalnog organiziranog kriminala.

Sjednica je završena u 15, 15 sati.

Sastavni dio ovog zapisnika je neautorizirani transkript 29. sjednice Doma naroda.

SEKRETAR
DOMA NARODA
Marin Vukoja

PREDSJEDAVALJUĆI
DOMA NARODA
Ilija Filipović, dipl. iur.